

傷寒雜病論集註
圖



傷寒雜病論集註卷三

長安黃維翰竹齋甫學

藍田趙丕燮和庭甫校

遵化李 崑曉峯甫刊

辨太陽病脈證并治中

太陽病項背強几几無汗惡風葛根湯主之

無汗「外臺」作反汗不出四字「玉函」「外臺」風下

有者
字

程郊倩曰項背強几几者太陽之脈滿而連及陽明之經也此條無嘔與利亦主葛根者邪總在二陽之經下利者既非裏虛不利者亦非裏實裏反屬標表反屬本○陳修園曰此言邪從膚表而涉於經輸與邪在肌腠而涉於經輸之不同另立葛根湯取微似汗法○顧尚之曰此亦瘧證之輕者上汗出惡風用桂枝湯加葛根此以無汗而更加麻黃仍不外表實



表虛兩治法也所異者證惟凡凡以現風燥之形方惟葛根以潤凡凡之燥
張令韶曰自此以下四節俱論太陽之氣循經而入不在肌腠之中也

葛根湯方

葛根

四兩

麻黃

三兩去節○

桂枝

二兩
去皮

芍藥

二兩

甘草

二兩
炙

生薑

三兩
切

大棗

十二
枚擘

右七味以水一斗先煮麻黃葛根減二升去白沫

〔成本〕無白字
〔玉函〕〔千金〕

〔外臺〕作上沫○柯韻伯曰麻黃葛根俱有沫沫者濁氣也故
仲景皆以水煮去其沫而後入諸藥此取其清陽發腠理之義

內諸藥煮取三升

去滓溫服一升覆取微似汗

〔成本〕有不
須啜粥四字

餘如桂枝法將息及

禁忌諸湯皆倣此

〔傷寒論識〕將息同消息方有執曰消息
猶斟酌也傷寒直格云謂損益多少也

柯韻伯曰此開表逐邪之輕劑也凡凡更甚於項強而無汗不失為表實脈浮不緊數是中
於鼓動之陽風故以桂枝湯為主而加麻葛以攻其表實也葛根味甘氣涼能起陰氣而生

津液滋筋脈而舒其牽引故以爲君麻黃生薑能開玄府腠理之閉塞祛風而去汗故以爲臣寒熱俱輕故少佐桂芍同甘棗以和裏此於麻桂二湯之間衡其輕重而爲調和表裏之劑也葛根與桂枝同爲解肌和裏之劑故有汗無汗下利不利皆可用與麻黃專於治表者不同桂枝湯啜稀粥者因無麻黃之開而有芍藥之斂恐邪有不盡故假穀氣以逐之此汗生於穀也葛根爲陽明經藥惟表實裏虛者宜之葛根能佐麻黃而發表佐桂枝以解肌不須啜粥者開其腠理而汗自出涼其肌肉而汗自止是涼散以驅風不必溫中以逐邪矣

○徐靈胎曰葛根本草治身大熱大熱乃陽明之證也以太陽將入陽明之經故加此藥前桂枝加葛根湯現證亦同但彼云反汗出故無麻黃此云無汗故加麻黃也

「類聚方廣義」葛根湯治麻疹初起惡寒發熱頭項強痛無汗脈浮數或乾嘔下利者又疫痢初起發熱惡寒脈數者當先用本方溫覆發汗若嘔者以加半夏湯取汗

「眼科錦囊」葛根湯治上衝眼疫眼及翳膜若大便秘結者加大黃生翳者加石膏

「皇漢醫學」葛根湯以主藥葛根證之項背筋的強直性痙攣爲目的而用此方凡感冒

腸室扶斯腸膜炎破傷風癱瘓質斯喘息熱性下利病眼疾耳疾上顎竇蓄膿證皮膚病悉能治之

太陽與陽明合病者必自下利葛根湯主之。

〔玉函〕無下字必自下利
〔脈經〕作而自利不嘔者

屬葛根湯證「千金翼註」一

云用後葛根黃芩黃連湯

龐安常曰凡陽明證俱宜下唯中寒惡寒爲病在經與太陽合病屬表可發其汗二陽合病脈必浮大而長外證必頭痛腰疼肌熱日疼鼻乾也浮大者太陽受病也長者陽明也頭腰太陽也肌目鼻陽明也○朱肱曰太陽陽明合病下利而頭疼腰痛肌熱目痛鼻乾其脈浮大而長者是其證也○成無己曰傷寒有合病有併病本太陽病不解併於陽明者謂之併病二經俱受邪相合病者謂之合病合病者邪氣甚也太太陽陽明合病與太陽少陽合病陽明少陽合病皆言必自下利者以邪氣併於陰則陰實而陽虛邪氣併於陽則陽實而陰虛寒邪氣甚客於二陽二陽方外實而不主裏則裏氣虛故必下利與葛根湯以散經中甚邪○程郊倩曰太陽與陽明合病者太陽之惡寒發熱等證與陽明之喘渴胸滿等證同時均發無有先後也兩陽交應驟盛於表則裏氣暴虛升降不及故不利則嘔治法只須解表表解而裏自和葛根湯從升利則主之嘔加半夏所以降也又曰合病之證凡太陽經之頭痛惡寒等與陽明經之目疼鼻乾等但見一證便是不必悉具併病亦如是看仍須兼脈法斷之○汪苓友曰太陽主水陽明主穀二府之氣不和則水穀雖運化而不分清故下利也○柯韻伯曰下利卽胃實之始內經所謂暴注下迫皆屬於熱也麻桂以治太陽之寒葛芎以潤陽明之燥○徐靈胎曰合病全在下利一證上審出蓋風邪入胃則下利矣○陸九芝曰兩陽合病三陽合病之自下利則皆協熱利也

「明理論」太陽與陽明合病必自下利葛根湯主之太陽與少陽合病必自下利黃芩湯主之陽明與少陽合病必自下利大承氣湯主之三者皆合病下利一者發表一者攻裏一者和解所以不同也下利家何以明其寒熱邪且自利不渴屬太陰以其藏有寒故也

下利欲飲水者以有熱也故大便溏小便自可者此爲有熱自利小便色白者少陰病形悉具此爲有寒惡寒脈微自利清穀此爲有寒發熱後重泄色黃赤此爲有熱皆可理其寒熱也

方輿輓曰痢疾初起脈浮而有表證者宜發汗當以此條及太陰病脈浮者當發汗宜桂枝湯二條爲治利之準則

「傷寒論識」此與後世用倉廩散等以治疫利正同其轍也

太陽與陽明合病不下利但嘔者葛根加半夏湯主之

成無已曰邪氣外甚陽不主裏裏氣不和氣下而不上者但下利而不嘔裏氣上逆而不下者但嘔而不下利與葛根湯以散其邪加半夏以下逆氣○徐靈胎曰前條因下利而知太陽陽明合病今既不下利則合病從何而知必須從兩經本證一一對勘卽不下利而亦可定爲合病矣

喻嘉言曰二條以下利不下利辨別合病之主風主寒不同風者陽也陽性上行故合陽明胃中之水飲而上逆寒者陰也陰性下行故合陽明胃中之水穀而下奔○陳修園曰前條兩經之熱邪並盛不待內陷而胃中之津液爲其所迫而不守必自下利此蓋太陽主開陽明主闔今陽明爲太陽所迫本闔而反開開於下則利開於上則嘔以半夏除結氣遂其勢而利導之



葛根加半夏湯方

葛根 四兩

麻黃 三兩 去節

甘草 二兩 炙

芍藥 二兩

桂枝 二兩 去皮

生薑 二兩切 成 本二兩

半夏 半升 洗 大棗 二十枚 擘

右八味以水一斗先煮葛根麻黃減二升去白沫內諸藥煮

取三升去滓溫服一升覆取微似汗白沫「玉函」作上沫○陶隱居曰凡方云半夏一升者洗畢秤五兩為正

太陽病桂枝證醫反下之利遂不止脈促者表未解也喘而汗

出者葛根黃芩黃連湯主之「玉函」「脈經」「千金翼」作遂利不止脈上有其字

成無己曰經曰不宜下而便攻之內虛熱入協熱遂利桂枝證者邪在表也而反下之虛其腸胃為熱所乘遂利不止邪在表則見陽脈邪在裏則見陰脈下利脈微遲邪在裏也促為陽盛雖下利而脈促者知表未解也病有汗出而喘者為自汗出而喘也即邪氣外甚所致喘而汗出者為因喘汗出也即裏熱氣逆所致與葛根黃芩黃連湯散表邪除裏熱○程郊



倩曰夫桂枝證誤下而桂枝證不罷者仍從桂枝例治表解而利自止此有表有裏只宜解表之一法也若脈促加以喘而汗出熱壅於膈心肺受傷胃氣不清可知雖未成痞而客氣微欲動膈矣則無取桂枝之和榮衛做瀉心湯例用芩連而加葛根鼓舞胃氣以清散其邪此有表有裏只宜清裏之一法也○柯韻伯曰桂枝證上復冠太陽見諸經皆有桂枝證是桂枝不獨爲太陽設矣桂枝證脈本弱誤下後而反促者陽氣重故也邪束於表陽擾於內故喘而汗出利遂不止者所謂暴注下迫皆屬於熱與脈弱而協熱下利不同此微熱在表而大熱入裏故君葛根之輕清以解肌佐連芩之苦寒以清裏甘草之甘平以和中喘自除而利自止脈自舒而表自解與補中逐邪之法迥別○中西惟忠曰頭痛發熱汗出惡風是爲桂枝證也桂枝證而誤下之故曰醫曰反凡喚醫者深責其誤之辭也利遂不止此似所謂協熱利也若乃利遂不止則脈當微弱微弱屬寒而今脈促因知其表未解及喘而汗出亦皆由熱之使之則與協熱利果異矣此蓋下利爲主而喘爲客是故葛根以除其表熱芩連以制其裏熱則莫論其下利之止喘亦自止○顧尚之曰熱邪內陷而表不解則表裏俱熱矣熱壅於膈則喘熱越於外則汗舒馳遠云必惡熱不惡寒心煩口渴則芩連方可用喻嘉言曰太陽病原無裏證因誤下則邪之在太陽者未得傳陽明之經已先入陽明之府所以其脈急促其汗外越其氣上奔即喘下奔即泄

葛根黃芩黃連湯方

〔千金〕〔外臺〕
作葛根黃連湯



葛根

半斤〇〔外臺〕作八兩

甘草

二兩

黃芩

三兩〇〔成〕本〕作二兩

黃連

三兩〇〔外臺〕有金色者二字

右四味、咬咀、以水八升、先煮葛根減二升、掠去沫、內諸藥、煮

取二升、去滓、分溫再服。

〔宋板〕脫咬咀掠去沫五字茲從〔玉函〕〔千金〕〔外臺〕添入

許宏方議曰此方亦能治陽明大熱下利者又能治嗜酒之人熱喘者取用不窮也〇古方選注曰是即瀉心湯之變治表寒裏熱其義重在芩連肅清裏熱也〇徐靈胎曰因表未解故用葛根因喘汗而利故用芩連之苦以洩之堅之芩連甘草為治痢之主藥〇陳古愚曰方主葛根從裏以達於表從下以騰於上輔以芩連之苦苦以堅之堅毛竅而止汗堅腸胃以止瀉又輔以甘草之甘妙得苦甘相合與人參同味而同功所以能補中土而調脈道真神方也

〔方函口訣〕此方治表邪內陷之下利有效尾洲之醫師用於小兒疫痢屢有效云此方之喘乃熱勢內壅所致非主證也

太陽病、頭痛、發熱、身疼、腰痛、骨節疼痛、惡風、無汗、而喘者、麻黃

湯主之。

〔玉函〕〔脈經〕〔千金翼〕身疼作身體疼〔千金〕作傷寒頭疼腰痛身體骨節疼發熱惡寒不汗而喘

成無己曰此太陽傷寒也寒則傷榮頭痛身疼腰痛以致牽連骨節疼痛者太陽經榮血不利也內經曰風寒客於人使人毫毛畢直皮膚閉而爲熱者寒在表也風并於衛衛實而榮虛者自汗出而惡風寒也寒并於榮榮實而衛虛者無汗而惡風也以榮強衛弱故氣逆而喘與麻黃湯以發其汗○柯韻伯曰太陽主一身之表風寒外束陽氣不伸故一身盡疼太陽脈抵腰中故腰痛太陽主筋所生病諸筋者皆屬於節故骨節疼痛從風寒得故惡風風寒客於人則皮毛閉故無汗太陽爲諸陽主氣陽氣鬱於內故喘太陽主開立麻黃湯以開之諸證悉除矣麻黃入證頭痛發熱惡風同桂枝證無汗身疼同大青龍證本證重在發熱身疼無汗而喘本條不冠傷寒又不言惡風而言惡風先輩言麻黃湯主治傷寒不治中風似非確論蓋麻黃湯大青龍湯治中風之重劑桂枝湯葛根湯治中風之輕劑傷寒可通用之非主治傷寒之劑也○顧尚之曰注家皆以此條爲傷寒證然經言惡風而不言惡寒則亦不必細分矣張會卿云風逆寒來寒隨風入透骨侵肌本爲同氣屠俊夫云風未必不挾寒而來寒未必不從風而至也

〔總病論〕華陀治法云傷寒病起自風寒入於腠理與精氣分爭榮衛否鬲周行不通病一日至二日氣在孔竅皮膚之間故病者頭痛惡寒身熱腰背強重此邪氣在表隨證發汗則愈

張令韶曰自此以下三節俱論太陽之氣在表爲麻黃湯證也

麻黃湯方



麻黃

三兩 去節

桂枝

二兩 去皮

甘草

一兩炙○「千金翼」作二兩

杏仁

七十箇去皮尖○「千金翼」尖下有兩仁者三字「千金」

云喘不甚
用五十枚

右四味、咬咀。

「二字從「玉函」

以水九升、先煮麻黃減二升、

徐靈胎曰此須多煮取其

力專不僅爲去上沫止煮一二沸矣

去上沫

「外臺」作掠去沫顧尙之曰恐其輕浮之氣過於引氣上逆也

內諸藥煮取二升

半、去滓。

「千金」「外臺」去滓上有絞字

溫服八合、覆取微似汗。

「玉函」作溫覆出汗○王叔和云凡發汗欲令

手足俱周時出似絮然一時間許益佳不可令如水流離若病不解當重發汗汗多者必亡陽陽虛不得重發汗也凡服湯發汗中病便止不必盡劑也

不須啜

粥。

張隱庵曰此在表之津液化而爲汗非中焦水穀之精也顧尙之曰可見麻黃證之爲實桂枝證之爲虛

餘如桂枝法將息。

徐靈胎曰

活人書云夏至後用麻黃湯量加知母石膏黃芩蓋麻黃性熱恐有發黃斑出之慮

成無己曰寒淫於內治以甘熱佐以苦辛麻黃甘草開肌發汗桂枝杏仁散寒下氣○李瀕湖曰仲景治傷寒無汗用麻黃有汗用桂枝未有究其精微者津液爲汗汗卽血也在榮則



爲血在衛則爲汗夫寒傷榮榮血內滯不能外通於衛衛氣閉固津液不行故無汗發熱而憎寒夫風傷衛衛氣受邪不能內護於榮榮氣虛弱津液不固故有汗發熱而惡風然風寒之邪皆由皮毛而入皮毛者肺之合也肺主衛氣包羅一身天之象也證雖屬乎太陽而肺實受邪氣其證時兼面赤怫鬱欬嗽痰喘胸滿諸證者非肺病乎蓋皮毛外閉則邪熱內攻而肺氣膈鬱故用麻黃甘草同桂枝引出榮分之邪達之肌表佐以杏仁泄肺而利氣是則麻黃湯雖太陽發汗重劑實爲發散肺經火鬱之藥也○柯韻伯曰此方治風寒在表頭痛項強發熱身痛腰痛骨節煩疼惡風惡寒無汗胸滿而喘其脈浮緊浮數者此爲開表逐邪發汗之峻劑也古人用藥用法象之義麻黃中空外直宛如毛竅骨節故能去骨節之風寒從毛竅而出爲衛分發散風寒之品桂枝之條縱橫宛如經脈系絡能入心化液通經絡而出汗爲榮分散解風寒之品杏仁爲心果溫能助心散寒苦能清肺下氣爲上焦逐邪定喘之品甘草甘平外拒風寒內和氣血爲中宮安內攘外之品此湯入胃行氣於玄府輸精於皮毛斯毛脈合精而溱溱汗出在表之邪盡去而不留痛止喘平寒熱頓解不煩啜粥而藉汗於穀也其不用薑棗者以生薑之性橫散解肌礙麻黃之上升大棗之性滯泥於膈礙杏仁之速降此欲急於直達稍緩則不迅橫散則不峻矣若脈浮弱汗自出者或尺脈微遲者是桂枝所主非此力所宜也○徐靈胎曰此痛處比桂枝證尤多而重因榮衛俱傷故也惡風無汗而喘者乃肺氣不舒之故麻黃治無汗杏仁治喘桂枝甘草治太陽諸證無一味不緊切所以謂之經方

柯韻伯曰予治冷風哮與風寒溼三氣成痹等證用此輒效非傷寒一證可拘也



「舒氏女科要訣」曾醫一產婦發動六日兒已出胞頭已向下而產不產醫用催生諸方俱無效延予視之其身壯熱無汗頭項腰背強痛此太陽寒傷榮也法主麻黃湯作一大劑投之令溫覆少頃得汗熱退身安乃索食食訖豁然而生此治其病而產自順上乘法也

「肘後」治卒上氣鳴息便欲死方即本方擣爲末溫湯服方寸匕日三 又治卒乏氣氣不復報肩息方即本方方後云有氣疹者亦可以藥擣作散長將服之

「小兒藥證真訣」麻黃湯治傷風發熱欬嗽喘急若無汗者宜服之即本方分兩量兒大人加減

「傷寒準繩」婦人傷寒脈浮而緊頭痛身熱惡寒無汗發汗後恐熱入血室宜麻黃加生地黃湯

「玉機微意」麻黃湯治肺藏發欬而喘息有聲甚則唾血
「眼科錦囊」麻黃湯治爲風熱所侵而眼目赤腫生障翳者

「類聚方廣義」初生兒有時時發熱鼻塞不通不能哺乳者用此方即愈 又治痘瘡見點時身熱如灼表鬱難發及大熱煩躁而喘不起脹者 又治哮喘痰潮聲首不出擡肩

滾肚而不得臥惡寒發熱冷汗如油者合生薑半夏湯用之立效

寸口脈浮而緊浮則爲風緊則爲寒風則傷衛寒則傷榮榮衛

俱病、骨節煩疼可發其汗宜麻黃湯。

此條出「辨脈法」可發其汗作當發其汗也無宜麻黃湯四字「宋板可汗篇」

及「玉函」「脈經」「千金翼」同此而無寸口二字「輯義」謂是本論原文當在太陽篇中今本係於脫漏故揭於此今依其說參合諸本訂正如文

成無己曰脈經云風傷陽寒傷陰衛爲陽榮爲陰各從其類而傷也易曰水流湮火就燥者是矣衛得風則熱榮得寒則痛榮衛俱病故致骨節煩疼當與麻黃湯發汗則愈○柯韻伯曰風寒本自相因必風先開腠理寒得入於經絡榮衛俱傷則一身內外之陽不得越故骨肉煩疼脈亦應其象而變見於寸口也緊爲陰寒而從浮見陰盛陽虛汗之則愈矣脈法以浮爲風緊爲寒故提綱以脈陰陽俱緊者名傷寒大青龍脈亦以浮中見緊故名中風則脈但浮者正爲風脈宜麻黃湯是麻黃湯固主中風脈證矣麻黃湯證發熱骨節疼便是骨肉煩疼卽是風寒兩傷榮衛俱病先輩何故以大青龍治榮衛兩傷麻黃湯治寒傷榮而不傷衛桂枝湯治風傷衛而不傷榮曷不以桂枝證之惡寒麻黃證之惡風一反勘耶要之冬月風寒本同一體故中風傷寒皆惡風寒榮病衛必病中風之重者便是傷寒傷寒之淺者便是中風不必在風寒上細分須當在有汗無汗上著眼耳

龐安常曰傷寒之脈緊盛而按之澀是也脈浮而緊浮爲風緊爲寒風傷衛寒傷榮榮衛俱病骨節煩疼外證必發熱無汗或喘其人但憎寒手足指末必微厥久而復溫掌心不厥此傷寒無汗用麻黃證

「靈榮衛生會篇」人受氣於穀穀入於胃以傳於肺五藏六府皆以受氣其清者爲榮濁



者爲衛榮在脈中衛在脈外榮周不休五十而復大會陰陽相貫如環無端榮出於中焦衛出於上焦榮衛者精氣也血者神氣也故血之與氣異名同類焉故奪血者無汗奪汗者無血○〔素痹論〕榮者水穀之精氣也和調於五藏灑陳於六府乃能入於脈也故循脈上下貫五藏絡六府也衛者水穀之悍氣也其氣慄疾滑利不能入於脈也故循皮膚之中分肉之間熏於肅膜散於胸腹

太陽與陽明合病喘而胸滿者不可下宜麻黃湯。

〔玉函〕〔成本〕湯下有主之二字

成無己曰陽受氣於胸中喘而胸滿者陽氣不宜發壅而逆也心下滿腹滿皆爲實當下之此以爲胸滿非裏實故不可下雖有陽明然與太陽合病爲屬表是與麻黃湯發汗○汪苓友曰喘而胸滿則肺氣必實而脹所以李東璧云麻黃湯雖太陽發汗重劑實爲發散肺經火鬱之藥彼蓋以喘而胸滿爲肺有火邪實熱之證湯中有麻黃杏仁專於泄肺利氣肺氣泄利則喘逆自平又何有於陽明之胸滿邪○錢天來曰胸滿者太陽表邪未解將入裏而猶未入也以陽明病而心下鞭滿者尙不可攻攻之遂利不止者死況太陽陽明合病乎○徐靈胎曰陽明之病象甚多如身熱不惡寒口苦鼻乾之類但見一二證即是不必全具也太陽病卽上文所指者喘而胸滿者病俱在上焦此麻黃證之太陽合陽明也

王樸莊曰合病之外證如內經熱病論所指太陽則頭項痛腰脊強陽明則目疼鼻乾不得眠合成一病也太陽不開則喘陽明不降則胸滿邪不在胃不可下也太陽一開陽

明之氣亦從而俱開矣

韓祇和曰喘而胸滿猶帶表證不可下與麻黃湯或麻杏甘石湯

「本事方」有人病傷寒脈浮而長喘而胸滿身熱頭痛腰脊強鼻乾不得臥予曰太陽陽明合病治以麻黃湯得解

太陽病十日以去脈浮細而嗜臥者外已解也設胸滿脅痛者

與小柴胡湯脈但浮者與麻黃湯

〔玉函〕無太陽二字「成本」以去作已去
〔玉函〕「千金翼」同脈上有其字外已解

也作此

爲外解

程郊倩曰太陽病十日已去脈浮細而嗜臥者較之少陰爲病之嗜臥脈浮則別之較之陽明中風之嗜臥脈細又別之脈靜神恬解證無疑矣但解則均解必無外證之未罷設於解後尙見胸滿脅痛一證則浮細自是少陽本脈嗜臥爲膽熱入而神昏宜與小柴胡湯脈但浮者與麻黃湯彼已現麻黃湯脈自應有麻黃湯證符合之縱嗜臥依然必不胸滿脅痛可知○中西惟忠曰以去猶曰以後蓋在其始也脈浮數熱甚不能臥於是既發其汗矣至此其脈爲浮細其不能臥者乃今嗜臥則知其熱既已除也故曰外已解也○柯韻伯曰脈微細但欲寐少陰證也浮細而嗜臥無少陰證者雖十日後尙屬太陽此解表而不了了之謂設見胸滿嗜臥亦太陽之餘邪未散兼脅痛是太陽少陽合病矣以少陽脈弦細也少陽爲

樞樞機不利一陽之氣不升故胸滿脅痛而嗜臥與小柴胡和之若脈浮而不細是浮而有
力也無胸滿脅痛則不屬少陽但浮而不大則不涉陽明是仍在太陽也太陽爲開開病反
闔故嗜臥與麻黃湯以開之使衛氣行陽太陽乃得主外而善寤矣與太陽初病用以發汗
不同當小其制而少與之○案此節遙申上篇第四節傳屬之義詳辨其脈證以出其治也
脈浮細而嗜臥者表邪衰而正氣亦虛故爾

〔總病論〕病十日以上脈浮細嗜臥者爲已安候小柴胡和之細而遲者勿與

〔活人書〕古人云未滿三日者可汗而已其滿三日者可泄而已此大畧之言耳病人有
虛有實邪氣傳受遲速不等豈可拘以日數仲景云日數雖多但有表證而脈浮者猶宜
發汗日數雖少若有裏證而脈沉者即宜下之正應隨脈以汗下之傷寒固有始得病便
變陽盛之證須便下之又有腠理寒一二日便成少陰病者須急溫之又況六氣之邪乘
虛入經自背得之則入太陽或入少陰自面感之則入陽明之類不必皆始於太陽兼寒
邪有首尾止在一經或間傳一二經不可以一理推但據見證治之此活法也

〔傷寒論識〕陽明篇云外不解病過十日續浮者與小柴胡湯脈但浮無餘證者與麻黃
湯與此祇同乃柴胡湯麻黃湯之例也

太陽中風脈浮緊發熱惡寒身疼痛不汗出而煩躁者大青龍
湯主之若脈微弱汗出惡風者不可服之服之則厥逆筋惕肉